

四庫全書

集部

欽定四庫全書

文苑英華卷九百八十八

宋 李昉等 編

交舊十一

祭柳員外文二首

祭吏部韓侍郎文一首

祭劉巡官文一首

祭座王兵部尚書顧公文一首

祭清河李少尹文一首 祭韓令公文一首

祭豐州李大夫文一首 祭李侍郎文一首

祭中書韋相公文一首 祭李司徒文一首

祭柳員外文

劉禹錫

維元和十五年歲次庚子正月戊戌朔日孤子劉禹錫
銜哀扶力謹遣所使黃萇具清酌庶羞之奠敬祭于亡

闕

友柳君之靈嗚呼子厚我有一言君其聞否惟君平

昔聰明絕人今雖化去夫豈無物意君所死乃形質耳
魂氣何託聽余哀詞嗚呼痛哉嗟余不天甫遭閔凶未
離所部三使來弔憂我衰病論集作以苦言情深禮至

論是

款密重復期於

集作以

中路更申願言途次衡陽云有柳

使謂承

集作復

前約忽承訃書驚號大叫如得狂病良久

問故百哀攻中涕洟迸落魂魄震起

集作越

伸紙窮竟得

君遺書絕絃之音悽愴徹骨初託遺嗣故

集作知

其不孤

末言歸精從祔先域凡此數事職在吾徒永言素交索

居多遠鄂渚差近表臣分深想其聞訃心勇於義已命

所使持書徑行友道尚終當所

集作必

加厚退之承命改

牧宜陽亦持一函候於便道勒石垂後屬于伊人安平

宣英會有遠使悉已如禮形於冥

浙本作其

書嗚呼子厚此

是何事朋友凋落從古所悲不圖此言乃為君發自君

失意沉伏遠郡近遇國士方伸眉頭亦見遺學

集作草

恭

辭舊府志氣相感必踰常倫顧余負壘營奉方重

集作萬里

猶冀前路望君銘旌古之達人朋友製

蜀本作則

服今有所

厭其禮莫伸朝晡臨後出就別次南望桂水哭我故人

孰云宿草此慟何極嗚呼子厚卿其死矣終我此生無

相見矣何人不達使君終否何人不老使君天死皇天

后土胡寧忍此知悲無益奈恨無已子之不聞余心不
理含酸執筆輒伸復集作復中止誓使周六同於已子魂兮
來斯知我深旨嗚呼哀哉尚饗

為鄂州李大夫祭柳員外文 前人

嗚呼至人以在生為傳舍以軒冕為僮來達於理者未
嘗惑此昔余與君論之詳熟孔氏四科罕能相備惟公
特立秀出幾於全器才之何豐運之何否大川未濟乃
失巨艦長途始半而喪良驥縉紳之倫孰不墮淚昔者

與君交臂相得一言一笑未始有極馳聲日下驚名天
衢射策差池高科齊驅携手書殿分曹藍曲心志諧同
追歡相續或秋月銜觴或春日馳轂旬服載朞同升憲
府察視之列斯焉接武君遷外郎予侍內闈出處雖間
音塵不虧勢變時移遭罹多故中復賜環上京良遇曾
不踰月君又即路遠持郡符柳江之墟居陋行道疲人
歌馬予來夏口忽復三年離索則久音貺屢傳篋盈草
隸架滿文篇鍾索繼美班揚差肩賈誼賦鵬屈原問天

自古有死奚論後先痛君未老美志莫宣遭廻世路奄
忽下泉嗚呼哀哉令妻早謝穉子四歲天喪斯文而君
永逝翩翩丹旌來自遐裔聞君旅櫬既及岳陽寢門一
慟貫裂衷腸執紼禮乖出疆路阻故人奠觴莫克親舉
馳神假夢冀獲晤語平生密懷願君遣吐遺孤之才與
不才敢同已子之相許嗚呼哀哉尚饗

祭吏部韓侍郎文

李翱

嗚呼孔氏云

集作去

遠楊朱恣行孟軻拒之乃壞于成佛

氏混華異學魁橫兄常辯之孔道益明建武以還文

質喪氣萎體敗剝剝不讓儷花鬪葉顛倒相上及兄之

為思動鬼神撥去其華得其本根開

文粹作闕

合恠駭驅濤

湧雲包劉越羸並武同殷六經之風絕而復新學者有

歸大變于文兄之仕宦

文粹作官

罔辭於艱

文粹作于難

疏奏輒

斥去而復遷

集作還

升黜不改正言亟聞貞元十二兄在

汴州我遊自徐始得兄交視我無能待予以友講文析

道為益之厚二十九年不知其久兄以疾休我病卧室

三來視我笑語

集作言

窮日何荒不耕會之以一人心樂

生皆惡言凶兄之在病則齊其終順化以盡靡憾

文粹作慙

于中別我

集作欲別

千古意如不窮臨喪大號決裂肝胃老

聃言壽死而不亡兄名之垂星斗之光我狀兄行下于

太常聲殫天地誰云不長喪車之來

集作來東

我刺廬江君

命有嚴不見兄喪遣使奠筭百酸攬腸音容若在曷日而忘嗚呼哀哉尚饗

祭劉巡官文

前人

維元和七年歲次壬辰九月景辰朔十五日庚午觀察

判官攝監察御史李翱等謹以清酌庶羞之奠敬祭于

劉君之靈我等與君同列賓筵共食偕行歲辰再遷公

事多暇嬉遊自般柳垂於集作于塘荷秀于川或泛在水

或登在山歌京本作飲酒終夜觴饋往還笑言無虛咸盡其

歡君實強盛時惟壯年宜哉壽考福祿來臻奈何遭疫

集作疾針藥弗痊日冀返初憂危遽傳長路末極琴書忽

捐嗚呼哀哉堂有老母室有少妻幼男稚女蜀本作幼女稚男

或童或孩發聲怨切弔者酸悽祔葬舊城隨喪以歸已

矣劉君自古如斯有肉一豆有酒一

蜀本作盈

卮我來告

集作

一別去去長辭嗚呼哀哉尚饗

祭座主故兵部尚書顧公文

呂溫

集無

維貞元十年歲次甲申月日門生侍御史王播監察御

史劉禹錫陳諷柳宗元左拾遺呂溫李逢吉右拾遺盧

元輔劍南西川觀察支使李正叔萬年縣主簿談元茂

集賢殿校書郎王啓秘書省校書郎李建京兆府文學

李逢渭南縣尉席夔鄂縣尉張隸初奉禮郎獨孤郁協
律郎蕭節奉禮郎時元佐滎陽主簿李宗衡前鄉貢進
士鄭素等謹以清酌之奠祭于座主故兵部尚書東都
留守顧公之靈莪莪靈山時雨將洩耿耿大厦崇構已
設歲旱方極川流遽閔宏棟待施梁木斯折玉碎清瑩
芝焚酷烈貞芳獨留千古不滅嗚呼哀哉伏惟公神氣
輔質天降英靈剛健中正內外和明岐嶷之初不教而
成敦敏之後確然已貞靄靄孤雲逸我高情昭昭白日

懸我明誠志勵義深心融氣清靖若翔隼藹如芳英於
乎立人成身忠孝一美自古全者一人而已明君得臣
賢父知子公獨兼備敢陳終始厥初知禮嚴訓柔順義
方年未逾卅道行于鄉益庭之戲衆稚且狂鷓管在身
我獨於莊沐浴風雨盥漱雪霜未薦甘旨未敢衣裳斯
惟至性厥有大孝乃揚儒風乃奉文教服勤之功煥飾
之効金石成聲絳麗開照越國山秀吳門水深向曲宵
朗相沅夕陰怡神導和滌思凝心棄我竒寶鏗然至音

天寶季年安史內侵翰苑詞人播遷江潯金陵會稽文
士成林啗銜爭馳聲美共尋損益褒貶一言千金洙泗
之風弊而侵淫我乃閉關響絕光沉藏輝必發含章以
俟蛟龍得雲平陸騁鷲人或妙用我蘊成器人矜謏聞
我愚大智聿來膠庠厚此淳懿鄉選或兢我則無愧芳
桂盈手青霄坐致春從王畿冬踐郎吏危險立則一作績
艱難見志諫草焚灰絲綸深秘命官儲賢有國大備至
公苟在淳化不墜翰選精重睿思虔志繫於安危弘此

教義我雖受命求人報天工惟選藝器必搜賢松菊有
烈薰猶在前妍媸自分衡鏡高懸潛符希夷化若神仙
道貫品類心冥陶埏歸吾至精復命上玄物不可棄道
由爾全毛翔鸞鳳殼蛻龜蟬萬類俱適三清晏然伊昔
仲尼其徒三千命不可求文實在焉微言僅存正氣莫
宣用苟登席希徒執鞭曷如清時文柄克專髦彥必舉
典謨備甄中侍六載內朝十年三司秋賦五掌春銓翼
翼京師教化之先肅恭誠敬昭彰可傳在昔成周左伊

右瀝乃命保釐撫我三川資仁感義與道周旋煥乎成
功疑若崇巔乃飾兵車兵利革堅乃修農畝闢隴開阡
榛穢荒蕪化為良田汗潦溝瀆流為清泉忠至誠達思
焦身捐醴甘必竭膏明乃然嗚呼哀哉駟霄馳皇慈
中激后復真質臯還魂魄新命簫鼓舊原松柏陵谷可
移德音不易嗚呼哀一作痛哉播等援自諸生昇為王賓
念必期于霄漢手親擢其泥塵播嘗再忝於科第始一
命於朝倫感自衷於誠接懼自已而情均或負知於一

紀或登用於數旬恨俱長而各異哀靡極而寧伸凡在京兆一十九人四忝御史三為諫臣孔門有光游夏修身遠奠雖設用茲慰神馨香可薦醪醴方陳歔歆相從列拜斯文伏惟尚饗

祭河南李少尹文

沈亞之

維長慶四年五月十七日福建等州團練副使沈亞之謹遣部集作郡吏李權奉酒殽之奠敬祭于故河南少尹

李公之靈夫哲智之達塞兮繫其時之難集作艱通故孔

子厄而周公隆管遇齊而卒業賈遭漢而不終嗚呼哀

哉古昔所

集作何

思所思惟時謨不我進網不我維民不

得濟道安

集作不

得施雖富且貴夫何用為夫子之道沒

矣今將遺誰卷清明之特達歸壞廈而蔽之哀哉尚饗

為韓尹祭韓令公文

前人

澤梁宋之戎郊涵雄渾於雲水陶沉毅以

集作與

濃剛作

耿耿

集作眈眈

之巨士綿將流於先故

集作洪光

鼓神濤之在已

昔丞相之東征統梁城之千雉命賓余以掌檄蹤枝馬

之遺美見公佩之橫腰冠衙旗於宋壘及夷門之節卧

余奉歸于故里寧後者之無當鴻

集作顧

狂埃之勃起司

馬啖而賓徒烹血肉肆而為市何繼師之無作始公之

功由是伏豺豹於神貌遂寧清乎千里聞君書於天閣

帝嘉悅而忘恥嘗叙族以姪余謂同源於康子言康樂

於一方竟綿歷乎再紀廩蓄衆

集作粟

以億計積有餘而

流委櫪甲馬之萬銜惟君王之所指撲淮童與齊蠱猶

烹冰以燎葦想

集作視

燕趙之強侯若負坭之羣蟻彼承

風其如何聞當飯而遺匕乃

集作及

柱天而轍日信博壯

之可倚逢諒陰

集作闇

之初晨遂踐阼而為治推轂兮昇

壇河橋兮廊時恩光被以湛稠仍分疆以及嗣遵比

集作

往年之來覲見差班於父子復何殃之不造遽相追而

沒齒榮華之不道兮倏云乎已矣悼皇情以注想每凝

旒而撫宸錫祕物之必周余將

集作得

命為臨視還壞廈

之將駕導清茹於哀徵鑒卑志之潔恭願降欽而省此

嗚呼哀哉尚饗

祭豐州李大夫十八丈文

令狐楚

嗚呼髫鬢之年獲見大夫自以成器異於羣倫自降而
遷垂三十春服義懷德遠而逾親靈州不協坐謫三楚
遐服徂征高館晤語謂天之道正直是與捧手欲辭以
心相許羣后抗疏頌疑作訟公無辜羽林森森天授兵符

適值南還穎耀神都風天雪夜買酒相呼帝命并土喜
公為副令尹是毗賢王是輔嗟我小子此焉婚娶贄幣
既求酒牢亦具河外西城振胡鎖戎詔遷大夫開府其

中平生相知招我以弓竟逼方寸不能從公自此違奉
無由詣謁絡繹篇章綢繆書札不聞嬰疾不得留訣倉
卒一辭寂寞長別嗚呼哀哉惟先將軍有庸有勲及公
嗣興武不害文義分如霜志氣干雲頭蓬面垢報國事
君土田未封旄鉞未受天實福善神明為咎埋沒黃沙
摧殘白首難以瞑目豈能鉗口孤旄翩翩反葬秦川經
過故府悵望新阡魂氣何之音容悄然攀轅薦奠苦淚
潺湲

祭李侍郎文

白居易

維長慶元年歲次辛丑五月景申朔十日乙巳翰林學

士守中書舍人

集作中散大夫守中書舍人翰林學士上柱國賜紫金魚袋

元稹朝

議郎守尚書主客郎中知制誥白居易謹以清酌庶羞

之奠敬祭于故刑部侍郎贈工部尚書隴西李公杓直

之靈於戲代重名義公能佩服德潤行羶彬彬

集作温温

郁

郁凡嚮善者如蟻慕肉時重爵位公負楨榦天官是攝

司寇是贊

集作春秋天官是攝是贊

尚書六職公理其半朝重文翰

公掌詔令西閣絲言內庭密命公實出入迭操二柄家
重隆盛公暨陳許兩掖中臺差肩接武青幢赤帟叔出
季處門重婚嗣公娶令族鎗鎗振振和鳴以續男女七
人五珠二玉年重壽考公亦云老心雖壯健髮已華皓
五十加八亦不為夭人重康寧公體豐盈迨乎奄忽不
失和平啓手足夜無呻吟聲古稱五福公有七福凡人
得一死猶瞑目矧公兼之豈有不足所不足者不在公
其集作身怏怏惻惻其在他人為門戶惜主為骨肉惜親

為吾儕惜良友為朝廷惜賢臣况稔也不才居易無似

辱與公遊十九年矣昔貞元年集作歲俱初筮仕並命同

官蘭臺令史以公明達以我頑鄙度長挈集作潔能信非

倫擬一言胞京本作膾合不知所以莫逆之交實集作貴從茲

始間登清近集作清問登近遞罹讒毀江澧通州左遷萬里或

合或散一伏一倚浩浩世途是非同軌齒牙相軋波瀾

四起公獨何人心如止水風雨如晦雞鳴不已不因紛

阻孰辨君子以膠投漆如弧有矢所以綢繆見于生死

前年去年次第徵還或先或後俱到長安水流火就松
茂柏懽置酒欲飲握手何言初論瘴癘次叙艱難三心
六眼同一潸然稔與居易旋登禁掖公領銜衡職勤務
劇私室多故公門少隙歡會實稀光陰虛擲互相勸勉
急務歡適且曰朱顏已去白日可惜花時集作寺春朝松
園月夕大開口笑滿酌酒喫言約則然心期末獲嗚呼
杓直而忍我遺棄我何遽集作處捨我何之豈反真歸寂
冥然而無所為將精多魄集作魂强的然而有所知恍如

聞兮倏如覩未甘心於永辭彼有靈兮此有夢胡不一
來兮質我疑逝川渺其不回日月忽乎有時指岐下以
歸祔備大葬之威儀禮有進而無退祖於庭而送於京
本之畿旌竿舉兮轎輪動遂不得少留乎京師嗚呼杓直
其鑒于茲爵盈不飲豆乾不食如之何勿思公兒號我
公馬嘶我如之何勿悲嗚呼杓直已而已而哀哉尚饗

祭中書韋相公文

前人

維太和三年歲次己酉六月乙酉朔三十日戊寅中大

夫守太子賓客分司東都上柱國晉陽縣開國男食邑
三百戶賜紫金魚袋白居易謹以茶果之奠敬祭于故
中書侍郎平章事贈司空韋公德載惟公忠貞大節輔
弼嘉謨倚注深恩哀榮盛禮伏見冊贈制中已詳惟公
世祿官業家行士風茂學清詞冲襟弘度伏見碑誌文
中已詳此不重書但伸夙願公佩服世教棲心空門外
為君子儒內脩菩薩行嘗集作常接餘論許追高蹤元和
中出守開忠二郡日公先以喻金鑛偈相問往復再三

繇是法要心期始相會合長慶初俱為中書舍人日尋

詣普濟寺宗律師所同受八戒各持十齋繇是香火因

緣漸相親近及公居相位走在班行公府私家時一相

見佛乘之外言不及他誓趨菩提交親集作相度脫去年

臘月勝業宅中公云心集作必結佛緣無如願力因自開

經篋出大方廣佛華嚴經京本有中十願品一通合掌焚

香口讀手授自持護始傳一人曾未經旬公即捐館退

思復視似不偶然今即日於道場齋心持念一願一禮

如公在前以至他生不敢廢墜至若與公同科第聯官
察奉笑言蒙推獎窮通榮頽之感離合存歿之悲盡成
虛空何足言歎今茲薦奠不設葷腥庶幾降臨鑒察情
集作精意噫浮生是幻真諦非空靈鷲山中既同前會兜
率天上豈無後期嗚呼韋君先後間耳伏惟尚饗

祭李司徒文

前人

維太和四年歲次戊戌七月癸酉朔十九日辛卯大中
大夫守太子賓客分司東都上柱國賜紫金魚袋白居易

易內重表弟朝請大夫守少府監上柱國李翱謹以清

酌庶羞之奠敬祭于故相國興元節度使贈司徒李公

惟公之生樹置名集作制節忠貞諒直天下所仰惟公之

歿連集作遭罹禍變京本作亂冤憤痛酷天下所知雖千萬其

言終不能盡於集作故茲奠次但寫私誠居易應進士以

鄙劣之文蒙公稱獎在翰林日以拙直之道蒙公扶持

公雖徇公愚則受賜或中或外或合或離契濶綢繆三

十餘年至於豆觴之會軒蓋之遊多奉光塵最承歡惠

眷遇既深於常等痛憤實倍於衆情永訣奈何長慟而
已翺情兼中外分辱眷知綿以歲時積成交舊敢申薄

酬

集作
奠

庶鑒微衷嗚呼哀哉伏惟尚饗

文苑英華卷九百八十八

欽定四庫全書

文苑英華卷九百八十九

宋 李昉等 編

交舊十二

祭元相公文一首

祭崔相公文一首

祭崔常侍文一首

祭處州李使君文一首

祭周相公文一首

祭蕭侍郎文一首

祭宣武王尚書文一首

祭太常崔丞文一首

祭元相公文

白居易

維太和五年歲次辛亥十月乙丑朔十七日辛巳中大
夫守河南尹上柱國晉陵縣開國男食邑三百戶賜紫
金魚袋白居易謹以清酌庶羞之奠敬祭于故相國鄂
岳節度使贈尚書右僕射元公微之之靈惟公家積善
慶天鍾粹和生為國楨出為人瑞行業志略政術文華
四科全才一時獨步雖歷將相未盡謨猷故風聲但樹
於藩方功利不周於夷夏噫此蒼生之不大遇也在公
豈有所不足耶詩云淑人君子胡不萬年又云如可贖

兮人百其身此古人哀惜賢良之懇辭也若情理憤痛

過於斯者則號咷

集作呼壹

鬱之不暇又安可勝言哉嗚

呼微之貞元季年始定交分行止通塞靡所不同金石

膠漆未足為喻死生契濶者近

集無此字

三十載歌詩唱和

者九百餘章播於人聽

集作聞

今不復叙至於爵祿忠難

之際寤寐憂思之間誓心同歸交感非一布在文翰今

不重云惟近者公拜左丞自越過洛醉別悲吒投我二

詩云君應怪我畱連久我亦與君離

集作辭

別難白頭徒

侶漸稀少明日恐君無此歡又云

集作白

自識君來三度

別遮

集作這

廻白盡老髭鬚戀君不去君須會知得後廻

相見無吟罷涕零執手而去私恠

集作揣

其故中心惕然

及公捐館於鄂悲訊

集作計

忽至一慟之後萬恨

集作感

交

懷覆視前篇詞意若此得非魄兆將先知乎

集作先知之乎

無

以繼寄悲情作哀詞三章

集作首

今載於是以附奠文其

一云八月涼風吹白幕寢門廊下哭微之妻孥親友來

相弔惟道皇天無所知其二云文章卓犖生無敵風骨

精靈沒有神哭送咸陽北原上可能隨例作埃塵其三
云今在豈有相逢日未死應無暫忘時從此三篇收淚
後終身無復更吟詩嗚呼微之始以詩交終以詩訣弦
筆兩絕其在今日嗚呼微之三界之間應不生滅

集作孰不

生死四海之內誰無友

集作交

朋然以爾我之身為終天

之別既往者已矣未死者如何嗚呼微之六十衰翁灰

心血流

集作淚

引酒再奠撫棺一呼佛經云凡有業結無

非因集與公緣會豈是偶然多生已來幾離幾合寧無

後期公雖不歸我應繼往安有形去而影在皮亡而毛
存者乎嗚呼微之言盡於此尚饗

祭崔相公文

前人

維太和六年歲次壬子十月庚申朔二十四日癸未中
大夫守河南尹上柱國晉陽縣開國男食邑三百戶賜
紫金魚袋白居易謹以清酌庶羞之奠敬祭于故相國
吏部尚書贈司徒清河崔公敦詩惟公德望事業識量
及集作操履為時而生作國之紀巖廊輔弼集作藩部政

理

集作治

父母黎元股肱天子斯皆談在人口播於

蜀本
作在

人耳今所叙者眷知而已於戲自古及今實重知音故

詩美伐木易稱斷金始愚與公同入翰林因官識面因

事知心獻納合章對揚聯襟以忠相勉以義相箴朝案

接

集作同

食夜牀並衾綢繆五年情與時深及公登庸累

分戎閫

集作閫鎮

愚亦去國出領符印徐宣外

集作遠

部忠抗

遐郡鴈去寄書潮來傳

集作得

信無由會合只望音問未

卜後期但敦前分

集有
余字

大和之初連徵歸朝公長

京本
作分

夏司愚貳秋曹玉德彌堅

集作温

壯

集作松

心不凋南宮多

暇屢接遊遊竹寺雪夜杏園花朝杜曲春晚潘亭月高

前對青山後携濁醪微之夢得慕巢師高

集作臯

或徵雅

言酣詠陶陶或命俗樂絲管嘈嘈藉草蔭松枕麪舖糟

曾未周歲索然分鑣公又授鉞南撫荆蠻報政入覲復

惣天官愚因謝病東歸澗渥方從四皓旋守三川日

集作

時蒙訊問時

集作日

奉周旋豈無要約良有因緣洛城東

隅履道西偏脩篁廻合流水潺湲與公居第閭

集作門

巷

相連與公齒髮甲子同年兩心相期三選之間優游携
手而終老馬嗚呼易失者時難謀集作者天既奪我志
又殲我賢丘園未歸館舍先捐百身莫贖一夢不還鬱
鬱佳城茫茫九原淒涼簫鼓慘澹風煙祖奠遲遲泣涕
連連平生親友羅拜柩前賢人已矣天地蒼然嗚呼哀
哉敦詩尚饗

祭崔常侍文

前人

維大和九年歲次乙卯二月景子

通鑑目錄同
此集作丙午

朔七日

壬申

當作午
集作子

中大夫守太子賓客分司東都上柱國賜

紫金魚袋白居易謹以清酌之奠敬祭于故秘書監贈

禮部尚書崔公惟公之世祿家行文章政事播於時論

此不復云今但叙舊好寫哀

集作
哀

誠而已嗚呼居易兄

弟與公伯仲前後科第同登者四五辱為僚友三十餘

年

集有
又字

膳部房某

集無
某字

與公同風

集作
聲

塵之遊定膠漆

之分兩家不幸十年以來衰

集作
衰

豐所鍾零落殆盡我

老君病惟餘二人天不慙遺公又即世不登大位不享

永年夙志莫伸幽憤何極居易方屬疾恙不遂執紼遣
姪阿龜往展情禮此如不祭痛當集作永痛奈何嗚呼重易
平生知我寢門一慟可得而聞乎重易平生嗜酒奠筵
一酌可得而歌乎嗚呼哀哉伏惟尚饗

祭處州李使君文

杜牧

維會昌五年歲次乙丑某月日池州刺史杜牧謹遣軍
事押衙王鏐以清酌庶羞之奠敬致祭于亡友李君起
居之靈憶昔相遇兩未生鬚京師衆中跡猶甚踈一言

道合盡寫有無我於宣城忝跡賓吏君隨幕府東下繼

至復與友人故薛子威邂逅適願如相期為集作於談

劇論集作放論劇談各持是非攻強討深張干集作穀機怒或

絕赫終成笑嬉於後七年君拜左史來蜀西川我官補

闕云媿我先拜章請代蓋私我焉我有家事乞假南來

循行里第君出離杯令弟在席恣為談諧耳熱膽張觥

連相狻我歸墜馬一支幾摧君來我坐側倚旁隈持簡

集作時聞酸吟戲口猶開云君我殺以酒相加忌我之才及

我南去君刺池陽我守黃岡葭葦之場惟君書信前後

相望詞意纖悉勉我自強律我情性補短裁長一函每

發沉憂併忘幸會交代船一作沿檝若飛江上九月涼風

滿衣為別幾時多少歡悲志業益廣不可窺知長人之

術首集作英為吏師縱酒十日舞袖飲垂語公之餘且及

其私許以季女配我長兒莫云稚齒可以指期各負少

壯輕後會時寓居宣城書札日馳一疾不起計來猶疑

嗚呼哀哉惟先僕射儉德冠古凡二十年四領茅土所

至所治曰人父母官俸餘半委庫不取京師里第蓬茅
數畝慶餘生君曰天酬補何聰明才智兮不使施為何
付與之多兮折之何暴天陽地陰高厚相伴上有河漢

鉅

普借反

天橫流百刻晝夜平分不饒皎不陰晦一月幾

朝二男三女俗率如此三男二女無有其地君子小人
鼻目並列與小人校曾不集作會無百一於百一中與集作以

秀奪實人

集作凡

稟陰陽生於其間陽常不勝賢者宜艱

自古皆然欲復何言拊孤一帛拍棺一哭咫尺不遂涕

下相續期於沒齒盡力嗣子嗚呼哀哉伏惟尚饗

祭周相公文

前人

維太和五年歲次辛未七月辛未朔八日戊寅故吏朝
議郎持節湖州諸軍事守湖州刺史杜牧謹遣押衙司
馬素謹以清酌庶羞之奠敬祭于故相國僕射贈司徒
周公之靈伏惟相公之道徧於天下至如牧者受恩最
深爰自稚齒即蒙顧許及在官途援挈益至會昌之政
柄者為誰念集作忍陰汗平多遂良善牧實忝幸亦在

譴中黃岡大澤葭葦之場繼來池陽棲在孤島僻左五

歲遭遇聖明收拾寃沉誅竄

集作破

罪惡收於此際更遷

桐廬東下京江南走千里屈曲越嶂如入洞穴驚濤觸
舟幾至傾沒萬山環合纜千餘家夜有哭烏晝有毒霧
病無與醫饑不兼食抑暗偏塞行少卧多逐者紛紛歸
軫相接惟牧遠棄其道益艱相公憐憫極力掀拔爰及
作相首取西歸授之名曹帖以重職號國太子絳市謀
人死而復生未足為喻旌旆西去拜於都門賢士大夫

無不攀惜皆曰相公事君盡忠保道輕位大張公室盡

閉私門彼由徑者跛倚不進天下賢彥明知所趣集作趨

重德壯年衆期再入牧牧集作牧守吳興繼奉手示但思休

退不言疾恙訃音集作問忽至慟哭問天嗚呼蒼生未濟

而喪吾相吾為蒼生慟豈獨私恩想像音容思惟恩紀

期於令嗣可以効死吳洛相遠逾於三集作二千無因拜

柩見歸九泉哭送使者致誠奠筵伏惟尚饗

代李玄為崔京兆祭蕭侍郎文

李商隱

年月日

集有伏字

惟靈傳芳華，曷稟慶靈源。漢朝輔相之流

輝梁室帝王之遺懿，克生儁德彰我休期。高表百尋澄
波萬頃，及春闈獻藝會府試。才騏驎出塵，蛟龍得水頓
纓而駕，貽盡喪采氣而鼈蜃皆空。憑陵遠天，躩蹠長道
是將筮仕先。集作光乎縉紳侯國，從知大朝就選。祕寶宜
陳於東序，朱紱必降於上。玄錦帳而居青，鱗以覆建禮
推盡瘁之績，明光多伏奏之勤。亦既遷榮，乃司論駁。高

居青瑣封還

集作折

紫泥使明時無失政之譏大邦無不

便之詔暫辭朝籍往分郡符借寇莫從徵黃甚急方將

啟乎良友進彼令人志豈愛身誓將許

集作匡

國不謂疎

網猶漏斯文

集作民

未康作礪為鹽正俟理平之運依城

憑社深懷剪滅之虞上蔽聰明內求媒近故鴻猷不得

而叶贊譽化莫可以輔成貌是流離有窘陰雨嗚呼令

唯逐客誰復上書獄以黨入但求俱死銜冤遽往吞恨

孤居目斷而不見長安形留而遠託異國屈平忠而獲

罪賈誼壽而不長纔易炎涼遂分今昔粵自東蜀言旋
上京郭泰墓邊空多會葬鄧攸身後不見遺孤信陰隲
之莫知亦生人之極痛某等頃同班列獲奉周旋分結
死生地兼族類依仁既切慕德方深始驚南浦之悲俄
軫下泉之仆今則年良月吉筮協龜從顧埋玉之難追
歎焚芝之集作而集作何及牲牢粗潔酒醴非多聊寫丹誠以
申永訣

為絳郡公祭宣武王尚書文 前人

伏惟曾構高基往修峻址俯為明時載生奇士杜林舅

族本富文理楊惲外甥

集作門

素多圖史朱檻有裕括羽

成美逸足輕從東之道巨背狹圖南之水匡生明習董

氏精專魯壁墜簡汲冢遺編坐忘流麥出記懷鉛淹中

莫敵稷下惟先朝有曲臺時推奧學明博士之高選資

衆儒之先覺殷周損益夔夷禮樂既得根源盡除踏駁

粉闌假途

集作道

諫署揚輝吾寧許訕時好依違周舉上

章惟求王悟賈生草疏

一作諫

豈畏人非用之則至捨之

則歸旋領藩符俄司國計鋤革煩冗修明課第鄙晉室

之驚練

集作陳
疑作練

小漢朝之造幣前籌未借斂笏還家再

北非罪三黜何嗟淮陽勁兵潁水豪族既佩新印仍推

舊轂杜當陽何嘗跨馬雄士

集作
武

爭推祭征虜不廢投

壺師人自睦夷門地古梁苑藩雄雙旌大旆二矛重弓

無忌御車惟求隱者相如謝病乃慕高風方將副帝注

心從時大願率周朝之奔走惣漢庭之議論人之不幸

今也則亡莊子孰分其脛廼秦醫莫究其膏盲鴈沼波

瀾空聞怨咽兔園臺榭祇見荒涼某獲顧尤深蒙知甚

早公昔分茅愚嘗

集作當

視草於劉向論思之時贊孟舒

長者之號及茲出守實介親隣音徽繼好寤寐依然常

期異日克奉清塵何言永勸屬此佳辰訃哀如昨歸轍

攸遵林薄莽蒼川原隱磷想諸葛之旗鼓空還舊壘念

伯喈之書

集作經

籍已付何人候館攸開丹幡遽至瞻望

衛幕連綿泰時寄奠申訣纖詞寫意終阻願於親躬徒
加哀於殄瘁嗚呼哀哉尚饗

為濮陽公祭太常崔丞文

前人

年月日惟靈太岳繁社平安望族潤地勢於長源構堂
基於脩麓藍田之產宜有良玉徂來之林宜無凡木昔
我待子松玉之間冀十城之得價望千尋而可攀大年
不登逸足方駛松欲秀而先蠹玉將攻而遽毀聞問之
時歎悼何已惟我承乏授命南征一言相許携手同行
負絕萬里飄泊雙旌念兩婢之價倍媿五穀之酬輕地
接殊隣風移中土五嶺三江炎飈瘴雨釣犀之潭跼焉

之者席上從容幕中冥語先防載蕙之謗更示投香之

所因使庸虛不懼罪罟越井之首甘綏之女時清則銅

集作筒

鏞納厨歲稔則銀簪叩鼓豈我之自唯予是與相

從來覲又往于涇風埃古戍霜雪孤亭偏祭集作喪非之服

縵胡之嬰塞迥而晨嚴刁斗沙平而夜篤堦鈴指我以

虜隙勉我以武經正慰窮邊我集作忽還京邑北庭減價


南轅

一作園

屑泣章臺辟椽方喜趙嘉之來棘署選丞仍

見譙玄之入是馬踐歷更僕飛翻况乎鳳沼又棲領原

何豐成於燥濕而厲結於寒暄未及西山之藥旋為東
岳之魂憶昨舊許員歸青門出餞樂作而歎起杯行而
淚泣俱容與集作悔吝於風波共沉吟於鐘箭揮袂如昨郵
書甚頻雖遙道里未濶聲塵孰謂念歸之日翻為有慟
之晨嗚呼哀哉髣髴荒阡依稀古陌徐動丹旌永歸玄
宅願執紼而身遠想移舟而目極迥野秋思群山暮色
悵白髮之衰翁哭青雲之舊客聊茲寄奠莫寫西悲已
乎崔子為我歌之



文苑英華卷九百八十九

欽定四庫全書

集部

文苑英華卷九百九十三至九十三

詳校官庶吉士臣龍廷槐

助教臣常循覆勘

總校官進士臣朱 鈐

校對官助教臣蔡 鎮

校對官助教臣羅萬選

謄錄監生臣胡晚春

謄錄監生臣顧裕涇

欽定四庫全書

文苑英華卷九百九十

宋 李昉等 編

交舊十三

重祭外舅司徒文一首

祭薛郎中文一首

祭呂商州文一首

祭楊郎中文一首

祭張書紀文一首

重祭外舅司徒公文

此篇非交舊已移入九百九十一卷親族門

為裴懿無私祭薛郎中

哀

文

李商隱

伏惟靈佐商宣業朝薛傳規門崢層構堂業崇基玉生
藍岫芝產銅池梧高駐鳳蓮馥停龜有美令人載稱清
邵訓在詩書樂惟名教王謝標格曹劉才調清如濯熱
之風明若觀朝之燎靈臺委鑒虛空融和秋水望潤春
臺上多鄉塾掉鞅文林勵戈硯橫河漢紙落煙波澤宮
狸首棘場楊葉箭去星慙弓迴月怯兩書上第五辟名
公馬卿賦雪陳琳愈風平臺竹苑淮山桂叢營分細柳

幕染芙蓉顯備臺僚榮徙

集作徙

憲秩冠莪鐵勁衣明繡

密霜下端簡風生落筆夜庭烏迴天秋隼疾帝念允職
任于諫垣依違絕想從容敢言攀檻而空留跡在削藁

而不見書存女史護衣太官供食伏奏多可分曹著績

帳暖錦麗闡明粉白既題柱以如田

一曲非

亦償金而類

直漢榮出牧晉議州兵庶袴歌送劉錢贈行濟南之誅

巨猾揚州之試諸生虎去江靜珠來岸明神豈好謙天

寧秩禮蠹華國之名品喪士林之模楷使為善者奪氣

求仁者解體已不駐於卿雲竟何窺於狀濟長洲樹古
茂苑山春橘稅既集茶征是親鷁渡雪而去遠鵠下亭
而唳頻翟虜氛興殷楹夢起帳入飛鵬牀驚鬪蟻鄭玄
知數阮瞻無鬼終自膏肓傳於骨髓嗚呼哀哉丹青萬
里建木千尋坦坦清路幢幢集作腫翠陰三襲臺廻九重
禁深中懸流宸下集華簪無非東箭盡是南金或扶傾
作棟或望旱為霖顯允明公宜膺百福夜暗神昧天長
景促青女變霜羲和納旭悄隋掌以銷璣慨周閑之喪

騷永惟清族本富才人有弟則陸無兄不苟原鷁奕奕
沼鴈馴馴珩竒動楚璧貴傾秦永矣彼蒼胡然人事但
續椿壽徒高鶴位摧壓光價掩淪聲味頽不濁而殄灌

宗淮未絕而傾王氏某甲因承中外集作某甲
因中外獲奉恩

知通孔李道德之舊兼盧集作
盧劉姻戚之私鑄顏有契

全趙為期靜龍門之風水剝羊腸之嶮巖空欲銘恩何
酌樹德庇孤根於高援許加姻於弱植將歡宋子俄放
湘南綬黃楚微鬚白昭潭歸止未卜棄予是甘許靖之

悲方極王粲之憂不堪猶如重言將敦故約玉無改行
金不如諾勗大義於幽沉軫遐心於漂泊使者尚在凶
書已來鴈足空遠魚腸不迴淚和峽雨哭振巴雷孰澆
枯鮒誰熬寒灰今則言去郴江當移澧浦稍脫疑網猶
懼罪罟念深慟以無期豈沉寃之可吐嗚呼哀哉執紼
路阻佳城望賒凌空之翼上漢無槎或期他日或反中
華認楊公之石馬撫周邕之辟邪况良冶規存遺經業
在盛孫有後魏萬必大敢期陋質終託餘光韋平之貂

續無望秦晉之婚姻
豈忘絮酒無幾生芻
是將辭多矣
次涕數無行翼
桂旌之不遠降蘭珮
之餘芳嗚呼哀哉
尚饗

祭呂商州文

前人

惟靈族光鈞渭慶顯
歌齊竹分東箭玉奪
南圭逶迤霄路睥睨
雲梯淺牙洞鼠短刃
分犀古聖堂奧前賢
町畦滄腸効藥刮膜
留篋彈琴而放臣見
釋賣賦而妬后還
閨既步京國亦薦鄉
里與田蘇遊有太叔
美鄴都才運

洛陽年齒何晏神仙張良女子禮闈之擅譽也如彼冊
府之傳名兮若此囊成內殿之惟書貴皇都之紙中臺
南省諫署戎藩才難價重政舉人存蓮池易曉蘭圃多
暄涵波獨躍弄影孤翻王桀樓中嘗經暇日揚雄宅裏
幾弔遺魂參差邁憫萋菲成冤漢廷毀誼楚國謔原建
禮門內明光殿外直金旣肆於猜疑魏被竟從於沙汰
蒙犯霜露支離埃塏厲山遥鬱於朝嵐澁水傍奔其素
瀨猶懷毒草過農井以低窺尚憶神珠向隋臺而猶集作

獨酌渚宮貳尹相府中郎將申蠖屈復駕駕行朱幡意
氣皂蓋輝光訓說則馬季長之居南郡風流則殷仲文
之守東陽劉寵一錢鄧攸五鼓遂解郡符來登書府儒
林文囿瑤山瓊圃鉛槧朝閱芸籤夜數瓜當鄭灼之心
錐在蘇秦之股是從佐理干彼東周雷喧洛汭電掣集作
雲嵩丘玉泉嘉月金谷清秋陳思王之羅鞞郭有道之
仙舟不無賦詠聊以優游漢人峽關晉分陰地藉賢太
守之政有古諸侯之貴載揚筆陣復清劍氣長卿消渴

士安風痺逝川幾歎於不廻朝露俄聞於溘至嗚呼昔也風塵投分平生少年雕龍競巧倚馬爭妍開襟隋岸促膝伊川月中乃共誇科桂池裏亦相誇幕蓮劉樗屨擲畢甕多眠終以世路紛綸物情推斥撫事傷年減歡加戚路泣楊子絲悲墨翟縱風至而音來竟月同而地隔逮余庶部及子頌條華樽昔酒綺席嘉敬各懸章綬俱失簞瓢雖論金而契在終照玉而顏凋子年之思魏闕望之之憶漢朝誠知舌在不覺魂銷書斷三湘哀聞

五嶺天涯地末高，秋落景重疊，憂端縱橫，淚綆漏虬夜。
促隙駒朝騁，怨藻繪之亡旌，惜陽春之亂郢，言念令季。
記余屬城，鵠原鴈序，昔日歡情，蠻圻瘴嶠，今朝哭聲，慙
支體遽亡於手足，况兄弟不如其集作友，生嗚呼，厚夜
依臺窮泉，訪路已已，金骨嗟嗟，玉樹莫和，哀挽空陳，薄
具銜萬里之遐誠，託千辭之寄喻，異時松楸枯朽，羊虎
傾頽草宿，苔厚門平，關集作摧尚期，越禮用寫，余哀靈
今不昧，倘或來哉。

祭長安楊郎中文

前人

年月日謹以云云之奠祭于宗尹郎中之靈昔莊南華
之言物故則曰若巨室之偃歸人陶貞白之語玄機則
曰雖頑仙不如才鬼邈矣高論嶠然深旨有感斯文屬
在之子黃河九曲秦華三峯陽集作亭之右陰晉之東

泱泱佳氣膈蠻孤風生民之秀惟子之宗既懼四知亦
畏三惑昔佐赤符實毗皇極坦蕩王道昭宣帝則丹青
不朽琬琰是刻狀日具東侔辰在北子之伯仲不忝前

人粉飾賢路抑揚薦紳雲間日下國華席珍排龍掩陸
突鶴摧荀卓爾風標朗然流品妍若春輝烈如冬凜燕
石知媿齊竽自審咸指路以光銷盡登門而聲寢難售
者價重難知者聲清披沙揀金由是不媿烏散花落于
今有情劉儒十行孫弘三道直路猶絃蠹政如掃筆海
驚波詞園鞠草文場不寫於中心冊苑空留於秘寶晉
千里國漢第一功建幢油碧啓幕蓮紅賓高王擇韻合
人同固不能加減陳椽亦可以喜怒桓公衣蕭含香省

蘭臺柏赤管朝操青鯁夜爨佐計相則生聚有經營一

集作地是

官而

集作則

孤終叶籍於惟荔浦言念金昆毀冠裂

集作

帶雪泣星奔宅裏之荆枝半謝嶺頭之梅萼

集作葉

空繁陟罔望兄詩客之情何極歸縣見姊騷人之恨猶

存乃擢戎曹遂荒京令將換清切以扶明聖不知者壽

難言者命未謁季良

集作梁

之醫已革曾參之病嗚呼平

生世路繾綣交期孫金盧米百賦千詩桂林崑嶠一片

一枝終以浮沉因蕪險夷對臯壤之搖落成老大之傷

悲尚冀他年或陶良夜酒筵琴席燈闌月榭俱開愁別

之襟並息分歧之駕短景未果

集作短
願未果

良辰不借竟鬱

結於深衷倏淹淪於大化况南康解榻早降清光會稽

繼組昨辱餘芳情

集作積

分逾極銜哀更長三十年之間

難追往事五十里之外正恨殊鄉地濶山深川寒樹古

杳杳玄夜荒荒

集作茫茫

宿莽生金認石埋玉恨土寄奠緘

詞呼風涕雨噫戲噫戲宗尹之魂來否

祭張書記文

前人

維會昌元年歲次辛酉四月辛丑朔二十日庚申隴西
公榮陽鄭某隴西李某安定張某昌黎韓某樊南李某
謹以清酌之奠致祭于故朔方書記張五審禮之靈嗚
呼古有不重千金殊輕尺璧或號百夫之防或作萬人
之敵爭雄角秀殊途異迹念閱水於千齡若衝飈之一
息吁嗟審禮寧或免之瞭眸巨鼻方口疎髭始自渚宮
來遊帝里論極懸河文酬段綺體物稱最登高擅美良
時不來躁進為恥門卷蓬蒿荒涼如此藩溷筆硯寂寥

而已梁多文士漢有賢王猶市駿骨首驚夜光長裾既

曳健筆誰當職高蓮幕官帶芸香青袍若草白簡如霜

東閣朝暖西園夜涼震起

集作
豈

殺公諶惟故吏渭濱廻

流馬之運峴首奉詞曹之諱松筠不改琴樽有寄三遙

方營一畝之地多文為富無事當貴亦解客嘲還答賓

戲廻翔逸軌傲睨重霄將期晚節更峻清標懸蛇結疊

鬪蟻成妖廻生之祖洲之草續斷無弱水之膠陳屍重

來而何望楚魂一散而難招嗚呼神道甚微天理難究

桂蠹蘭敗龜年鶴壽在長短而且然於妍醜而何有某
等卓承餘眷晚獲聯姻或感極外家延自出之念或恩
深猶子多引進之仁或敬屬丈人之行或情兼內妹之
親有美吾姨慶靈攸屬尊公則師長庶僚夫人則儀刑
六族門高再世之侯家享萬鍾之祿經過款狎出入遊
陪映人玉潤覆水蓮開春歸別墅月滿高臺嵒山傾倒
謝雪徘徊惜景而持鉞欲繫邀歡而秉燭相催中歎乖
離今多至止仲叔辭辟而方反梅福罷官而未幾一則

歸從迴鴈之峰一則至自跼鳶之水方將為笛裁竹緣
箏斬梓驅羿射鴻招何釣鯉豁契濶於屯夷極平生之
宴喜良覲雖屢深懷未從三靈莫効一夢俄終露先寒
而隕葉漏未盡而聞鐘今則列樹開封探著得吉絳旒
前引桐棺後出隱軫原野淒涼雲月集作日將歸宿莽之
庭欲閉青松之室殷勤舊集作賢偶冀望諸孤未歸下國
且寓皇都江遠惟哭天高大集作旦呼必有餘慶非無後
圖嗚呼哀哉壺有芳醪俎多肥羜叫噪不聞精靈何處

鬱憤徒極含辭莫叙莫有鑒於酸嘶庶無非於甜

集作
酣

飫

文苑英華卷九百九十

欽定四庫全書

文苑英華卷九百九十一 宋 李昉等 編

親族一

為高力士祭父文一首 祭二先文一首

祭叔父文二首 祭姑文一首

祭舅文一首

為王司馬祭妻父文一首

祭外舅房州李使君文一首

重祭外舅司徒文一首 祭外姑文一首

為高力士祭父文

張說

維開元十七年月日孝子力士敢告于考潘州府軍妣
南海太君之靈小子不天夙齡凶閔身嬰冠剝家值虜
裂幸供掃洒之餘遂蒙侍從之顧扶戴明聖逼畏艱難
大固不敢不容小亦不敢不誠事必記心言無漏口日
慎一日將二十年玉弁加首金章在佩先靈納祐明神
降鑒阿母遠至於京華妹兄自拔于泥滓咸以官漸榮

祿姻通士林慈顏復慶

集作顧復

於目前同氣展歡於膝下

又緣幼育高氏變族移家敬愛盡於二堂溫清周於一

紀不圖無狀招禍永見孤棄聖主恩華曲逮存沒邑封

舊郡官贈本邦親感

集作恩

君澤子承父意致命報天誓

有同於皦日竭忠資孝志無忝於幽泉敬惟靈懷慰聞

昭遂先遠有日卜兆新塋遙啟尊魂合祔良壤哀迫祖

載攀戀湏臾謹以清酌少牢恭陳遣奠盈罇不舉虛饌

莫嘗號天叩地殞絕何仰

祭二先文

閩本作追
贈祭文

張九齡

維開元二十二年歲次乙亥孤子九齡謹遣弟某等謹

以清酌脯醢

集作
醢脯

庶羞之奠敢昭告于先考先妣之靈

九齡積罪昊天天實降罰嚴廕永遠

集作
隔

慈顏重違欲

報叨勞終天何及某夙承教誨幸有所成

集作幸
而有成

忝集

崇

國寵靈猥當大任聖上義存延賞追贈所天

集作
及

朝

恩優渥跪承摧感伏惟昭亮享慈

集作
茲是

殊錫今謹具贈

太常卿廣州都督告身并桂陽郡大夫人告身及玉帶

金章紫衣各一副伏惟尚饗

祭處士房叔父文

李商隱

某爰在童蒙最承教誘違訣雖久音旨長存近者以壇
山舊塋忽罹風水壽堂圯壞宰樹凋傾雖崩則不脩聞

諸前哲

集作
聖

但墮而罔治那俟他人况真隱昭

集作
胎

芳

鴻儒著美豈可令趙岐之表墊彼玄扃郭泰之碑淪於
夜壑載惟瑛瑣藐爾孤冲誠叫號之不停顧營辦之無
素某等輒考諸著筮别卜邱封使羲叟以今日吉時奉

移神寢奢無僭縵儉免虧疎是期永閔尊靈長安幽窆
眠牛有慶自及於諸孤白馬垂祥豈祈集作均於猶子追

懷莫及感切徒深更思平昔之時兼預生徒之列陸公
賜杖念榮益以何成殷氏著文媿獻酬而早屈引進之
恩方極禍凶之感俄鍾誰言一記之餘又奉再遷之兆
哀深永往情極初聞矧宗緒衰微簪纓殆歇五服之內
一身有官將使澤底名家翻同單系山東舊族不及寒
門靜思肯構之文敢怠成書之託瑛等既幽明無累年

志漸成則當授以詩書諭其婚宦使烝嘗有奉名教無
虧靈其鑒此微誠助夫至願敢有求於必庶免歎於
忽諸迫其哀憂兼之瘵恙曾非遐遠不獲躬親瀝血裁
詞叩心寫懇長風破浪敢忘昔日之規南巷齊名永絕
今生之望冀因薄奠少降明輝延慕酸傷不能堪處苦
痛至深永痛至深

為鄭從事妻李氏祭從父文 前人

有美吾門實系公族絳霄結蔭皇極流輝自嚴君以交

辟延榮仲父以立朝衍慶叔父雖禮疎五服而義叶一家馬援於兒姪之間一情無異王華在弟兄之列數從猶親吉人寡辭君子無諍厲者以獻賦不遇投筆從戎鏡水稽山聊屈觀書之望甬東浙右始開傳集作侍劍之

名經塗幾千去國數歲爰因職貢來奉闕庭傳車方馳朝露溘至禍生朽索釁起揚鞭始驚香而不禁俄折臂而無望嗚呼存亡恒集作定理壽夭常期所悲者方次中

途所痛者非因美疾稅鞅告痛肩輿數晨既鍼艾之莫

徵果含祿而斯及况乎合室遠在海涯一女方羈二子

未卅人生甚痛天道奚言今以國家

集作家國

載遙干戈未

息尚稽歸祔乃議從權定鼎城東永通門外南瞻嵩嶺

北望邛山式崇寓殯之封且作藏神之室必也慶延異

日時屬通年先溫序之思歸俟減孫之有後二十一姪

女早蒙慈撫久歎違離今又從夫山東食貧洛水將療

無及驚悲有加敢因祭酌

集作酒酌

之馨聊冀精靈之降嗚

呼叔父永鑒卑誠

祭韓氏老姑文

故安定韓尚書太夫人

前人

猗歟我家世奉玄德讓弟受封勤王賜國名芳彞鼎勳

盈史冊季孟國高秦晉樂

集作樂

却恭惟柔範載稟淵塞

既作女師乃為嬪則潁水波清梁園月明言從百兩且

拜雙旌計

集作託

侯令弟配國名卿入從述職出輔專征

螽斯不妬鳳凰和鳴此時同慶東都

集作郡

分榮使者責

梁公子專魏帝念元昆人思仲氏杖節赴敵斬芻盡瘁

無以家為或從王事禮優內子詩美夫人冕紘瑱紃山

蕨澗蘋子元罕見冀缺如賓綠衣有感程芾仍新遽歎
夜川端聞晝哭原阡舊署孟隣斯卜閒居獻壽作賦之
官弓裘望襲菽水承歡福善餘基好謙舊社復自良人
集于之子爰從上蔡去臨易水空報登壇未聞曳履晁
父先歸莫之能比趙母上言蓋不得已寒暄結恙燥濕
為疵徒虛百祿靡效三鑿嗚呼壽夭所賦彭殤不移誰
能了悟孰不憂悲何茲達識乃克先知同易箒以就正
如買棺而指期苟有所累安能及斯道遠輾轅程遙河

洛建北臨塗移舟就壑日慘林嶺風淒薄積靄茫茫
行煙漠漠某等誠深通舊情協先親始自童子至于成
人年將二紀恩冠六姻念升堂之如昨慟幽夜之無晨
歌停行路春輟比隣雖寓辭之有所終含酸而莫伸壺
清媿酌集作酌俎薄羞斤唯餘彤管有美清塵嗚呼哀哉

為李郎中祭舅竇端州文 前 人

始虞命

集作燕

夏暴于玄穹功垂刊木德叶堙洪洎帝相

之難作誕少康於竇中由屯獲吉因生受封降及後代

傳勲繼庸西京則嬰為外戚東漢則融居上公愍陽城

之不享始移籍於扶風源遠更清基高自

集作足

峻有焯

明靈藹然休問陋巷不憂坦途方進月遠標儀霞高映

論玉寧韞匱錐要處囊宜伸尚屈將集猶翔潛師大易

謙尊以光誓安老氏債少易償爰紆銅墨是宰濛梁宓

琴時奏潘樹逾芳入贊朝儀言揚事舉圭璧蠻夷弁冕

文武吐辭含韻知今博古進揖退揚從規合矩復陶啓

位殿省承榮孔門之束帶無忝漢宮之綿絕難更君子

集有信讒小人

集有

道長未暇閉關難期稅鞅暫持符

竹遠出羅網誰識卑飛因成利往銅梁改秩錦里經時

人去而琴臺壞棟文移而石室摧基劉弘之重銘葛廟

王商之更立嚴祠隴首云歸端溪遽逐角豈觸藩臂終

困木海濶天盡山深霧毒許靖他鄉有名無祿馬超正

色宜歌反哭何為善之無憑而降災之甚速某欽惟教

義夙所依因在昔家世勤王寶殿高旌大旆結駟飛輪

慶豈遺於自出榮實垂

集作

於外姻一紀已來艱凶過

及嗟宅相以無取懼堂構之不集詎言渭水之乖離竟

絕西州之出入嗚呼哀哉違京背闕古陌荒阡松門積

靄隴首停

集作行

煙祖庭是日乞墅何年淚有血而皆墮

憤無膺而可填况玕剖郡符璟持使節塞遠城迥河窮

路絕顧後瞻前形孤影子長號出次重拜臨穴酒濃清

醴

集作酒醴清濃

殺羞羅列庶有鑒於斯文冀不同於虛設

為王司馬祭妻父文

張九齡

維年月朔日某乙謹遣

集作具

少牢清酌之奠敬祭

集作于

故某公府君之靈惟公聯華公侯振景天朝昔也時來
則地分茅土今也福過則海變桑田豈唯魑魅之憂方
為螻蟻之患嗚呼哀哉始更榮盛早睦嘉姻謬入郟公
之選當荷戴侯之遇情契闊而彌積義流離而益固公
之謫官集作官某又犯時永矣去國賁然來思雖窮途之
至此幸隣境之在茲所忌者法豈忘於私聞析聲而密
邇畏簡書而間之然猶風煙可冀翰墨無輟心已運於
虛舟跡尚濡於涸轍驟寒暑之徂謝紛吉凶之迴穴京

兆之使忽追廣陵之音遽絕嗚呼哀哉平生多感自傷

千里之心已矣長辭徒發九原集作泉之歎計疇昔之光

寵痛淪亡於旅竄嘗許恤人之孤况需愛子之半謹因

遣奠閩本作遺尊酌敢昭集作昭告明靈心不可倦德以為馨匪羞

是薦惟魂是聽遣行人於信宿空泣目於郊垆嗚呼哀

哉尚饗

祭外舅房州李使君文 符載

波澗濬廣根柢深長沃日淮海捎雲豫章氣韻孤高駕

鴻翔翔高行端簡秉心直方在天寶中族大且光一門
六姻鳴玉琅琅作宰藍田政聳民康栖遲半刺亦振芬
芳才盛位卑厥聲昭彰遂登侯牧答時之望雨洩雲蒸
虬螭騰驤清路方騁羽鱗摧傷嗚呼昔公典郡歸江之
涘小子旋蜀道途舍此扁舟旋泊弱植殘鄙公辱車馬
晤言則喜與能獎善感慨知己意敵周親禮成半子迫
切寧覲不遑留止爰方泐旬遽征千里縈紆岩嶂浩蕩
雲水惠愛纏綿簡書填委食貧多故淹歷周祀遠侍板

輿敬符深旨嗚呼哀哉歲暮胸臆

夔州雲安縣之古號

積雪皚皚

旅館蕭條凶訃亦來望風一號使人甚哀心腸結塞彌旬不開公嘗好古服膺儒藝擅美素琴騰芳草隸泊拜靈座清塵四蔽札蠹微銷空知灑涕嗚呼公用中孚納人于誠人負長者薄塵頌聲道孤無隣怨抑不平逝景潛晦崇山忽傾孀稚冤號自硤徂荆霜降露濡毒漬中情今則虔恭歸厝先塋靈有安宅道無弛程次寥之晨萬象淒清野曠鴻斷天色光明煌煌素車翩翩銘旌出

祖荒遠惋慟交并聞諸格言黍稷非馨意有所欽生芻
豈輕湛彼罇鼎冀降明靈儻精爽之如在庶哀詞之是
聽

重祭外舅司徒公文

李商隱

嗚呼哀哉人之生也變而往耶人之逝也變而來耶冥
冥之間杳惚之內虛變而有氣氣變而有形形變而有
生今將歸生於形歸形於氣漠然其不識浩然其無歸
則雖有憂喜悲歡而亦勿能措

二字集
作用

於其間矣苟或

以變而之有變而之無若朝昏之相交若春夏之相易
則四時見代尚動於情豈百生莫追遂可無恨儻或去
此亦孰貴於最靈哉嗚呼公之世胄勲華職官敷歷並
已託於寄奠備在前文今所以重具酒宰載形翰墨蓋
意有所未盡痛有所難忘以公之平生之恩義昔顧盼
屬纊之夕不得聞啓手之言祖庭之時不得在執紼之
列終哀且痛其可集作何道耶嗚呼七十之年人誰不及
三公之位人誰不登何數月之間不及從心之歲聞天

有慟方登論道之司時泰命屯才長運否為善何益彼

蒼難知音澤恠既明告

集作吉

教釋桓公之病陰德未報

夏侯知邴吉不亡何昔有其傳今無其證豈人言之不

當將天道之或欺雖北海懸定薨期長沙前覺災至偃

如巨室去若歸人處順不憂得正之喜在公之德斯盛

在物之痛何言矧乎再軫慮居屢垂理命簡子將戰之

誓唯止桐棺晏嬰送死之文寧思石槨素車僕馬踈巾

弊帷成一代之清規揚百古之休問所謂有始有卒高

明

集作
朗

令終嗚呼往在涇川始受殊遇綢繆之迹豈無

他人樽空花朝燈盡夜室忘名器

集作
品

於貴賤去形跡

於尊卑語皇王致理之文

集作
源

考聖哲行藏之旨每有

論次必蒙褒稱及移秩農鄉分憂舊許羈牽少暇陪奉

多違跡踈意通期賒道密紵衣縞帶雅貺或比於僑吳

荆釵布裙高義每符於梁孟今則已矣安可贖乎

集作
兮

嗚呼哀哉千里歸途東門故第數尺素帛一爐香煙耿

賓從之云歸儼盤筵而不御小君多恙諸孤善喪昇

堂輒啼下馬先哭含懷舊極撫事新傷植玉求歸已輕

於舊日立

集作泣

珠報惠寧盡於茲辰况邢氏吾姨蕭門

仲妹愛深猶女思切仁兄撫婺緯以增摧闔嬖聞而永

慟草莽土梗旁助酸辛高鳥深魚遙添怨咽嗚呼精神

何往形氣安歸苟才能有所未伸勲庸有所未極則其

強氣宜有異聞玉骨化於終

集作鍾

山楸栢實於裘氏驚

愚駭俗佇有聞焉嗚呼姜氏懷安之規既聞之矣畢萬

名數之慶可稱也哉

集作夫

篋有遺經匣藏傳劔積茲餘

慶必有揚名愚方遁迹邱園游心墳素前耕後餉併食
易衣不忤不求道誠有在自媒自衒病或未能雖呂範
以久貧本治長之無罪昔公愛女今愚病妻內動肝肺
外揮血淚得仲尼三尺之喙論意無窮盡文通五色之
毫書情莫既嗚呼哀哉公其監之

此

此篇原編入九目九
十卷交舊門今移于

祭外姑宇文夫人文

陳子昂

維年月日朔女夫陳子昂謹以清酌嘉蔬之奠奉祭于

故高氏河南宇文夫人之靈恭聞夫人有清穆之德皓

潔之行淳懿肅恭內外仰則而道

集作遣

風素範蕙敷蘭

滋用能惠心光浮氛氲梁汜崇嚴壺訓芬郁母儀中饋

柔嘉娣姒有則豈圖慈顏幽翳於今十年毫木

集作汪木

已

拱尊靈廓然今吉辰叶應幽殯方開容象如在器質已

灰改卜有

集作禮

典宅兆方遷山園既列祖載行焉哀子

號吡女也

集作婢

媛於

集作終

天永訣泣血流連子昂謬

承嘉惠預叨姻戚生事早睽送終空積竊聞精意以享

忝稷非馨敢陳薄酌以獻明靈伏惟夫人明神尚饗

文苑英華卷九百九十一

欽定四庫全書

文苑英華卷九百九十二

宋 李昉等 編

親族二

祭兄文四首

祭弟文五首

姊弟附

祭符離六兄文

白居易

維貞元十七年某月某日從祖弟居易等祭于符離主

簿六兄之靈嗚呼聖人

集無
人字

忘情愚不及情情所鍾者

惟居易與兄豈不以親莫愛於兄弟別莫痛於生死

集作

生死斯親也而有斯別也孰能不哀集作從中來而失聲

苦

去年春居易南遊兄亦東適黥歙之間欣然一覲相顧
笑語相勉行役中路遽別情甚感激孰知此別為生死
隔矧兄遇疾于路路無藥石歸全于家家無金帛環堵
之室不容弔客椎齒之子未知哀感自古孔懷之痛亦
莫我之與劇古人有言神福仁天祐集作敬又曰惡有
餘殃善有餘慶惟兄道源乎太和德根乎至性以孝友
肥其身以仁信羶其行而位不登於再命年不及於知

命何報施之我欺俾吾兄之不幸嗚呼已焉哉既卜遠

日既定

集作宅

新阡春草之中盡

集作宅

為墓田濰水南岸

符離東偏其地則邇其別終天惟弟姪與家人儼拜哭
於車前魂兮有知鑒斯文歆斯筵知居易之心乳乳然

祭烏江十五兄文

時在宣城

前人

維貞元年十七年七月七日從祖弟居易謹以清酌庶
羞之奠敬祭于故烏江縣主簿十五兄之靈易云積善
之家必有餘慶書曰非天大人人中自

集無此字

絕命則冉

牛論語作冉伯牛名耕斯疾顏回不幸何繆盭集作舛之若斯諒聖

賢而集作之同病惟兄之生生而不辰孩失其怙幼喪所

親房無兄弟藐然一身自強自立以至成人蓋以孤子

靡託友愛彌敦自居易與兄及高九行簡雖從祖之昆

弟甚同氣之天倫故雖百里信宿之別曷嘗不惻然而

悲辛矧終天之永訣知後期之無因徒撫膺而隕涕諒

沉痛之難伸追思乎早歲離阻各悲零俾中年集會共

喜長成同叅選於東都俱署吏於西京居則共被而寢

出則聯騎而行友于四人同年成名優游笑傲怡怡弟

兄雖不敢

集作
比字

侔八龍三虎亦自謂當家一時之榮及

兄辭滿淮南薄遊江東居易亦以行邁忽逆旅而相逢
或歌或酒宴衍從容何朝不遊何夕不同常以兄仁信

根於心孝弟積於躬謂至行之有益

集作
答

必景福之

集作

以
來從嗚呼位始及一命祿未過數鍾年又不得四十

而歿於道路

集作
途

之中鬱壯志而不展結幽憤於無窮

况舊業東洛先塋北印三十里外身歿陵陽有妹出嫁

無男主喪悠悠孤旒未辨還鄉宣城郭

集作

西荒草道

傍旅殯於此行路悲涼秋風蕭蕭白日無光聚今晨之
弟姪對前日之盃觴稽首再拜魂兮來享進三奠而退
一慟孰不神酸而骨傷哀哉伏惟尚饗

祭浮梁大兄文

時在九江

前人

維元和十二年歲次丁酉閏五月十日己亥居易等謹
以清酌庶羞之奠再拜跪奠大哥于座前伏惟哥孝友
慈惠和易謙恭發自修身施於為政行成門內信及明

寮廉幹露於官方溫重形於酒德冀資福履保受康寧
不謂纔及中年始登下位辭家不

集作未

踰數日寢疾未

及兩旬皇天無知降此凶酷交遊行路尚為興歎骨肉
親愛豈可勝哀舉聲一號心骨俱碎今屬日時叶吉窀
穸有期下却南原永祔松楸居易負憂繫職身不自由
伏枕之初既闕在左右執紼之際又不獲躬親痛恨所
鍾倍百常理嗚呼追思曩昔同氣四人泉壤九重剛奴
早逝巴蜀萬里行簡未歸煢然一身漂棄在此自哥至

此

集作七

形影相依死灰之心重有生意豈料避弓之日

毛羽摧頰垂白之年手足斷落誰無兄弟孰不死生酌

痛量悲莫如今日宅相癡小居易無男撫視之間過於

猶子其餘情理非此能伸惟

集作伏

冀慈靈俯鑒悲懇哀

纏痛結言不成文嗚呼哀哉伏惟尚饗

為李兵曹祭兄濠州刺史文 李商隱

年月日伏惟靈天枝挺秀帝系傳芳材高杞梓價

集作位

重珪璋蘭芷斯茂先以馨香干鑠將用不挫鋒鏦始備

千牛俄仕諸衛逸意方超絕足猶繫爰佐郡僚亦掾神

京邑惟二宅曹竇五兵地峻流急官閑政清嵩少曉霽

伊洛秋明侶能吟之謝客伴作賦之賈生遂擢堯厨仍

調湯膳位列集作字大朝名參內殿朱紱輝華銀龜舊衆

漢有宗正委之親賢貳彼惟月人寧我先外夷求騁集作

永騁非天子憂邊皇華始賦紫綬俄懸雄其出塞之任假

以中臺之權不拜無慙於蘇武去節寧類集作疑於王馬

銜鬚誓死齒雪獲全帝仗使者吾無媿旃既還中華止

同屬國蒼蠅難備

集作祛

貝錦方織好丹非素點白為

集作

成

黑遭時不知非予有惑既先忌於絳灌遂不容於樂

卻竟陵山水鍾離控扼名貴隼旃時瞻熊軾人以功遷

吾由謗得其明若神其惠如春先除黠吏且活疲民汗

萊盡闢邑室重新草祥木瑞獸去烏馴方俟徵還俄嬰

美疾積微而桓侯竟晚達命而徐公待盡况况空驚遲

遲未信誰知泉路之高低孰測夜臺之遠近永惟良配

亦賢女師庶姜猶效君子是宜異室無怨同穴有期河

魴著詠皎日裁詩嗚呼哀哉龜筮叶從日時斯卜將去
芳郊言辭華屋草樹縈帶川源迴復白髮孤弟臨棺慟
哭失慈撫於終身宛聲容之在目心摧則冰炭交集血
下而綆縻相續萬古永訣百身何贖酒滿未御殽乾未
臨已矣伯氏來慰哀心

為人作祭弟文

張說

維景龍三年

集作元年按通鑑目錄景龍四年庚戌七月改元年景雲當考

歲次庚戌

正月癸丑朔

通鑑目錄作壬子朔

五日丁巳從兄兵部尚書某以

清酌少牢之奠致祭於故將軍弟之靈欽若貽宴俾降

戩穀神作

集作拆

玉衣天開

集作門非

金屋綿系溢寵諸宗橫

福覩交泰之二儀承殷序

集作序殷

之九族引同本於條幹

合分流於昭穆義有感而意深恩無方而情篤況且山

慕喬頂林晞霧水深仁遠慶俟子而

集作能

復何縱才之

有餘而輔德之不足舉朝野而皆痛在親密

集作密愛

而尤

酷嗚呼哀哉永懷令弟言念生平蘭薰

集作萃

雪艷玉潤

珠清禮樂懸解文章挺生三篋暗記千門畫成風流望

美月旦馳

集作傾

聲掌北軍之師律首東觀之詞英偉壯

夫之獻頌善仁者之論兵睠新豐而臨幸遶湯井而連

營那奉車之暴逝忽復綏而凶行軫天悲於宸振聚國

集作國娶

族於華京惠連詩夢子敬琴情儻昭昭之不泯知

親親之素誠嗚呼哀哉尚饗

同前

維年月日兄某致祭亡弟尚書之靈天其

集作實

喪予不

愆遺善家殞玉樹國墜寶臣嗚呼執柔何痛之甚嗟予

與爾夙遭憫凶哀惻相鞠殆及長成性實岐

集作岐實

穎德

表宣慈居盡友悌之心言必忠貞之事綿綿我族俟子

而大奉祖德之令圖荷朝戚之渥惠白首相對紫綬相

紆爾既秉國均

集作鈞

既敷朝典出牧千里入宰六官余

聞爾言常戒過寵余嘉爾行在貴能畢清淨温恭每希

於上士飲食車馬不越於平人每思與爾歸印東都懸

車故里揚名講德居常侍終當謂老夫沒於汝手不圖

令弟殯

疑作殯

自我先及爾纏疴屬余伏枕不見數日長

悲九泉嗚呼刊述未成平生已盡髮膚猶在魂魄焉知
聞爾屬續之辰託余身後之事薄葬之禮還從爾心字
孤之情不待遺意所恨在疾不視於喪不臨沉綿苦懷
纏迫斯甚余羸老矣傷心幾何人琴兩亡命也命也

祭亡弟故左羽林軍兵曹參軍文

孫逖

余年有五爾實以生四十餘載而為兄弟撫髻並育接
衽相成奈何棄予長隔幽明爾之德器寬仁溫厚天道

何欺不假爾壽爾之緣飾文學政事天道何欺不假爾
位未至中秋終過強仕奄忽如斯嗟何及矣予兼右職
爾位中司兩京為別數稔于茲頃雖一見倏已三時會
合嘗少悠悠我思近有東訊駕言西上顧日望期心存
目想當乘疾置以軾徂兩方欲再馳豈圖長往醫不及
訖藥不及嘗壯年殞命暴疾罹殃無一言以告訣有萬
恨於冥茫長號永痛裂腸抽腸爾逢疑天威余限王事
倉卒之辰急難靡寄遣奠之日奔臨莫遂痛緒彌深哀

端益至今也來斯驟移時律目絕遺象心摧虛室顧天
倫之有戚若具體之喪一諒修短之同歸在先後而相
恤撫遺孤而流慟氣膈臆而內地伊物情之共傷豈余
心之忍此蓬也未立穆兮仍稚以吾視之何但猶子神
本不滅爾則有知精爽如在知今心期同蔬永絕米藻
空施銜酸沃酌哀不能支

祭小弟文

白居易

維元和八年歲次癸巳二月某朔二十五日仲兄居易

季兄行簡以清酌之奠致祭于亡弟金剛奴嗚呼川水

一逝不復再還手足一斷無因再連惟吾與汝其苦亦

然黃壚白日相見無緣每一念至腸熱骨酸如以兩火

刺灼心肝况爾之生生也不夭苗而不秀九歲夭焉昔

權殞爾睢南古原今改葬爾

集作子

渭北新阡俯

集作拊

先

塋之北次就卑位於東偏冀神魂之不孤庶窀穸之承

安嗚呼自汝捨吾

集作我

歸于下泉日來月往二十二年

吾等罪逆不孝殃罰所延一別爾後再罹凶艱灰心垢

面泣淚漣漣松檟之下其生尚殘昔爾孤於地下今吾
孤於人間與其偷生而孤若不若就死而團圓欲自決
而毀滅又傷孝於歸全進退不可中心煩冤仰天一號
痛苦萬端嗚呼爾魂在几爾骨在棺吾親奠酌蜀本作酌於
爾床前苟神理之有知豈不聞吾此言尚饗

祭楊判官八弟文

唐次

維年月日姨兄開州刺史唐某以清酌庶羞之奠敬祭
于楊判官八弟之靈平生懿密重以嘉姻四海之內惟

君一人發自總角逮于知命遨遊讌寢一歌一詠周流
俯仰得君輝映野寺孤亭松門竹徑接茵援手和神善
性霜鶴唳天玉音在聽空室閑齋枯棊爛柯自非偉生
受勝相磨坐隱終日負進亦多歷歷笑言其情若何歡
事勝遊皆隨逝波事均榮感心真貴賤骨肉為交肝膽
相見嗚呼哀哉婉予幼妹爰居爾室既結其褱載和琴
瑟何年齡之脆促乃貞美之先夫悼手足之零落又吾
人之凋歿以君之才以君之藝合蹈豐福合居上第行

與命違道將時背遺此仁厚天胡不惠博雅裴君鎮此
南土大昭雋髦鵷鴻作侶曾未累月中茲炎毒百藥無
驗顏齡愈促悵悵旅魂淵淵鰥目目雖瞑而有恨魂強
招而可復加有傷怛况惟我親涕淚橫隨遍乎衣巾想
容色兮如在覽毫翰兮猶新嗚呼哀哉神理昭然幽途
可覲悲心自攢痛淚血瀝何疇日之歡悵變今辰之空
閒歸葬猶緩俟君冢嫡魂兮歸來安此幽宅嗚呼哀哉
尚饗

文苑英華卷九百九十二